

秘書集成

秘書集成

12

（一）秘書集成卷之十二
本卷內為八開（小冊）

本卷內收入《開元占經》一書的第四部分（自卷九十三至卷一百二十）及《靈臺秘苑》一書。

蘇書集苑

大唐開元占經卷九十三

候星善惡占

正朔風候

漢魏解正月朔旦八風占云風南來太旱西南來小旱西來有兵西北來有邊兵野豆成東來爲中歲一曰北方來大水爲中歲東北來爲上歲北來爲中歲有水東來大水東南來人病歲惡八風與其冲對課多勝少疾勝徐自旦至食時爲麥食時至日昃爲稷日昃至晡時爲黍晡時至下晡爲穀下晡至日沒爲脉風從北來宜客南來客與主吉西來宜客東來

宜主西北來宜客東南來宜主西南來有謀不成東
北來主客俱不利之若風熱冷異常或暴急昏濁又
當以八卦暴風占之也 京房曰正月朔日候八風
從乾來有憂兵坎來有大水艮來人民疾疫歲內有
蝗蟲震來陽氣干歲大旱有喪巽來年內多風傷五
穀離來歲旱大熱多火災坤來有疾疫道上多死人
兌來有兵事

八節日風候

立春正月節條風其日清明少雲歲熟陰則旱出傷
禾豆風從乾來暴霜殺物穀稼貴坎來冬大寒邊兵

丙擾艮來五穀熟震來多暴雷氣洩物不成巽來多
風蟲離來旱傷物坤來春寒六月大水人多愁土功
興兌來早霜兵起 春分二月中明庶風其日東風
有青雲歲熟晴明物不成風從乾來歲多寒金鐵倍
貴坎來豆菽不成民飢疾艮來夏不熟米貴一倍山
水倍出震來五穀成亦無盜賊巽來蟲生四月多暴
風離來五月先水後旱坤來小水人多瘡疾兌來春
寒八月國有憂兵起小麥貴 立夏清明風其日南
方有赤雲歲風晴明則旱風從乾來其年疫凶飢夏
霜麥不利坎來地動人疫多雨水魚行人道艮來山

崩地動人疾疫震來雷不時擊物異來其年大熟離
來夏旱水焦坤來人不安萬物大傷兌來蝗蟲大作
兵起 夏至景風其日南方有赤氣歲熟晴明則旱
風從乾來旱寒傷萬物坎來寒暑不時夏月多寒艮
來山水暴出震來八月人多疾異來九月風落草木
離來五穀熟坤來六月雨水橫流兌來秋多雨霜
立秋日有涼風白雲及小雨則吉曠明物不成風從
乾來甚寒多雨坎來冬多雪多陰寒艮來秋氣不和
五穀不熟年穀貴震來秋多暴雨雹人不和草木再
榮巽來內兵猝起離來兵戎不則多旱坤來五穀成

熟兌來兵起將行 秋分閭闔風其日西方有白雲
則吉晴明物不成風從乾來寇賊起人多相掠坎來
多寒艮來十二月多陰寒震來人疫木再榮百花不
實巽來十月多風離來兵動國南七百里坤來土功
大興民憂兌來五穀大成 立冬不周風其日晴明
小寒人君吉天下喜風從乾來君令行天下安坎來
冬雪殺走獸艮來地氣洩人多病震來人不安居不
寒巽來冬多溫明年夏旱人去其鄉離來明年五月
大疫坤來水泛溢魚鹽倍多兌來妖言爲幻兵在山
澤 冬至廣莫風其日有雲雪巽明年大豐晴明物

不成風從乾來強國有憂明年夏多寒坎來歲美人
安艮來正月多陰震來雷不發大雨併巽來百蟲害
物離來久溫乳母多死水旱不時穀貴人疫坤來蟲
傷苗多水民不安兌來明年秋多雨兵起大人愁憂
立夏巽卦王風從乾來爲一逆小凶立春艮卦王
風從坤來爲二逆兵起立秋坤卦王風從巽來爲四
逆人去其鄉秋分兌卦王風從震來爲五逆帶刀入
市冬至坎卦王風從離來爲六逆人民潰散夏至離
卦王風從坎來爲七逆臣子爲逆亂春分震卦王風
從兌來爲八逆殿上有刺客

正月風候

東風解凍蟄蟲始振魚陟負冰獺祭魚候雁北草木
萌動 孟春行夏令則風雨不時草木旱枯國乃有
恐行秋令則民大疫疾風暴雨數至藜莠蓬蒿並興
行冬令則水潦爲敗露霜大摯首種不入

二月風候

桃始華倉庚鳴鷹化爲鳩玄鳥至雷乃發聲始電
仲春行秋令則其國大水寒氣總至寇戎來征行冬
令則陽氣不勝麥乃不熟民多相掠行夏令則國乃
大旱暖氣早來蟲蝗爲害

三月風候

桐始華田鼠化爲鴛虹始見萍始生鳴鳩拂其羽戴勝降于桑季春行冬令則寒氣時發草木皆肅國有大恐行夏令則民多疫疾時雨不降山陵不收行秋令則天多沈陰淫雨早降兵革並起

四月風候

蜚蠊鳴蚯蚓出王瓜生苦菜秀靡草死麥秋至孟夏行秋令則苦雨數來五穀不滋四鄙入保行冬令則草木早枯後乃大水敗其城郭行冬令則蟲蝗爲災暴風來格秀草不實

五月風候

螳螂生鵙始鳴反舌無聲鹿角解蜩始鳴半夏生
仲夏行冬令則雹霰傷穀道路不通暴兵來至行春
令則五穀晚熟百膳時起其國乃飢行秋令則草木
□零落果實早成民殃於疫

六月風候

溫風至蟋蟀居壁鷹始摯腐草爲螢土潤溽暑大雨
時行季夏行春令則穀實鮮落國多風殃民乃遷
徙行秋令則原隰水潦禾稼不熟乃多女災行冬令
則寒氣不時鷹隼早鷺四鄙入保

七月風候

涼風至白露降寒蟬鳴鷹乃祭鳥天地始肅禾乃登
孟秋行冬令則陰氣大勝介蟲敗穀戎兵乃來行
春令則其國乃旱陽氣復還五穀不實行夏令國多
火災寒熱不節民多瘡疾

八月風候

鴻雁來玄鳥歸羣鳥養羞雷始收聲蟄蟲坯戶水始
涸仲秋行春令則秋雨不降草木生榮國乃大恐
行夏令則其國旱蟄蟲不藏五穀復生行冬令則風
災數起收雷先行草木蚤死

九月風候

鴻雁來賓雀入大水爲蛤鞠有黃華豺乃祭獸草木
黃落蟄蟲咸俯季秋行夏令則其國大水冬藏殃
敗民多孰噉行冬令則國多盜賊邊境不寧土地分
裂行春令則暖風來至民多解墮師旅必興

十月風候

水始冰地始凍雉入大水爲蜃虹藏不見天氣上升
地氣下降天地不通閉塞而成冬孟冬行春令則
凍閉不密地氣發洩民多流亡行夏令則其國多暴
風方冬不寒蟄蟲復出行秋令則雪霜不時小兵時

起土地侵削

十一月風候

鵬鳴不鳴虎始交荔挺出蚯蚓結麋角解水泉動
仲冬行夏令則其國多旱霧氣冥冥雷乃發聲行秋
令則天時雨汁爪觚不成國有大兵行春令則蟲螟
爲害水泉咸竭民多疥癩

十二月風候

雁北鄉雀始巢雉雛雞乳征鳥厲疾水澤腹堅季
冬行秋令則白露早降介蟲爲妖四鄰人保行春令
則胎妖多傷國多痼疾命之曰逆行夏令則水潦敗

國時雪不降冰凍消釋

人唐開元占經卷九十三終

月二三日

占

卷九十三

候星占經

丁

陽明先生

四卷之三

一

人與國示由縣卷六十三條

陽明先生